

**BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA UNUTRAŠNJE POSLOVE**

P R O G R A M

**utroška sredstava Ministarstva za unutrašnje poslove
Bosansko-podrinjskog kantona Goražde
sa ekonomskog koda 614300 - Tekući transferi neprofitnim organizacijama**

Goražde, maj 2025. godine

Na osnovu Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 6/16 i 12/16), a u vezi sa članom 44. Zakona o izvršenju Budžeta Bosansko-podrinjskog kantona Goražde za 2025. godinu ("Službene novine Bosansko-podrinjskog kantona Goražde", broj: 1/25, Ministarstvo za unutrašnje poslove Bosansko-podrinjskog kantona Goražde, **u t v r đ u j e**:

P R O G R A M
utroška sredstava Ministarstva za unutrašnje poslove
Bosansko-podrinjskog kantona Goražde
sa ekonomskog koda 614300 - Tekući transferi neprofitnim organizacijama

1. NAZIV PROGRAMA

Naziv Programa je: "Program utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 - Tekući transferi neprofitnim organizacijama".

Period realizacije Programa: 01.06. - 31.12.2025. godine

Budžetska pozicija: razdjel 14, organizacioni kod 141

Ekonomski kod: 614300

Ukupna vrijednost Programa: 3.000,00 KM

Odgovorna osoba: Nusret Hubjer

Pozicija odgovorne osobe: Ministar

Kontakt osoba za Program: Ervin Popović

Kontakt telefon: 038/ 221-532

Kontakt e-mail: ervin.popovic@bpkg.gov.ba

Internet: www.mup.bpkg.gov.ba

SAGLASNOST NA PROGRAM

Saglasnost na ovaj Program dala je Vlada Bosansko-podrinjskog kantona Goražde, Odlukom broj: 03-11-984/25 od 15.05.2025. godine.

2. SVRHA I OPIS PROGRAMA

2.1. Svrha programa

Ovim se Programom utvrđuju kriteriji za dodjelu sredstava, način podnošenja zahtjeva, način doznačavanja sredstava i nadzor nad utroškom sredstava iz Budžeta Ministarstva za unutrašnje poslove

Bosansko-podrinjskog kantona Goražde (u daljem tekstu: Ministarstvo), sa ekonomskog koda 614300 - Tekući transferi neprofitnim organizacijama.

Svrha ovog Programa je pružanje podrške u radu udruženja/neprofitnih organizacija u cilju stvaranja preduslova, da svojim programskim aktivnostima, doprinesu jačanju partnerstva i saradnje sa pripadnicima Ministarstva kao i poboljšanju uslova djelovanja udruženja/neprofitne organizacije i njenog članstva.

Također, svrha ovog Programa je da se, u skladu sa Zakonom o izvršenju Budžeta Bosansko-podrinjskog kantona Goražde, osigura planski i transparentan utrošak sredstava odobrenih na ovom ekonomskom kodu.

2.2. OPIS PROGRAMA

Programom je predviđeno da se finansijskim sredstvima iz Budžeta Ministarstva pomogne provedba programskih aktivnosti iz oblasti unutrašnjih poslova.

3. OPĆI I POSEBNI CILJEVI PROGRAMA

3.1. Opći/osnovni cilj Programa

Opći cilj Programa je finansijska podrška udruženjima/neprofitnim organizacijama, kako bi se osigurali adekvatni uslovi za rad i stvorile pretpostavke za osnaživanje i jačanje uloge udruženja/neprofitnih organizacija u promociji i provođenju aktivnosti usmjerenih na afirmaciju programa iz oblasti unutrašnjih poslova.

3.2. Posebni/specifični ciljevi Programa

Kao posebni ciljevi Programa su finansijska pomoć udruženjima/neprofitnim organizacijama za provedbu onih projektnih aktivnosti koje se odnose na učešće u organizovanju i obilježavanju značajnih datuma pripadnika Ministarstva a posebno onih koje se odnose na obilježavanje i očuvanje uspomena na poginule pripadnike policije i na njihov doprinos koji su dali u odbrambeno-oslobodilačkom ratu u periodu 1992. - 1995. godina, uz pružanje dužne pažnje porodicama poginulih pripadnika policije; obilježavanje dana uspostave Ministarstva tj. Dana policije kao i održavanju veza i druženja sa organizacijama u Federaciji Bosne i Hercegovine koje njeguju i čuvaju uspomene na veterane policije.

4. POTREBNA SREDSTVA ZA PROVOĐENJE PROGRAMA

Potrebna sredstva za provođenje ovog Programa utroška sredstava iznose 3.000,00 KM i ista su planirana i utvrđena u Budžetu Ministarstva za 2025. godinu na ekonomskom kodu 614300 - Tekući transferi neprofitnim organizacijama.

5. KRITERIJI ZA RASPODJELU SREDSTVA

5.1. Opći i posebni kriteriji

Opći kriteriji koje moraju ispunjavati udruženja/ neprofitne organizacije da bi dobile sredstva su:

- da je udruženje/neprofitna organizacija registrovana na području Bosansko-podrinjskog kantona Goražde;

- Da udruženje/neprofitna organizacija imaju finansijski izvještaj za 2024. godinu;
- Projekat ili obrazložen zahtjev za odobravanje sredstava.

Posebni kriteriji koje moraju ispunjavati udruženja/ neprofitne organizacije da bi dobile sredstva su:

- da se radi o projektu ili zahtjevu koji doprinosi promociji Ministarstva u oblasti obilježavanja značajnih datuma pripadnika policije,
- da unaprjeđuje kulturne, sportske ili druge oblike organizovanja i saradnje udruženja/neprofitne organizacije sa istim ili sličnim udruženjima/neprofitnim organizacijama u FBiH,
- sredstva za provedbu projekata ili aktivnosti koja se traže moraju biti u granicama odobrenih budžetskih sredstava,
- Rješenje o registraciji ne starije od 6 mjeseci;
- Projekat ili zahtjev dostavljen na aplikativnom obrascu koji je sastavni dio Programa;
- usvojeni finansijski izvještaj za prethodnu godinu.

Odluke o odobravanju sredstava za projekte ili zahtjeve donosi Vlada Bosansko-podrinjskog kantona Goražde.

5.2. Seleksijski i bodovni kriteriji

Prijedlog projekata ili zahtjeva razmatrat će posebna komisija, koju će imenovati Ministar Ministarstva.

Bodovni kriteriji čine temelj za procjenu kvaliteta prijedloga projektnih aktivnosti u vezi sa opštim i posebnim ciljevima te kriterijima ovog Programa. Oni sadrže elemente kvaliteta i kvantiteta, od kojih svaki nosi određen broj bodova.

Projektne aktivnosti će biti procijenjene skalom bodova od 0 do 30 i bit će poredane po svojoj vrijednosti.

Bodovni kriteriji	
K r i t e r i j u m	Maksimalan rezultat
Da li će predložene projektne aktivnosti imati pozitivan uticaj na aktivnosti Ministarstva u pogledu doprinosa obilježavanju značajnih datuma i događaja?	5
Da li su razrađeni očekivani rezultati predloženih projektnih aktivnosti?	5
Da li je razrađen finansijski plan pojedinih predloženih projektnih aktivnosti?	5
Da li su sve predložene projektne aktivnosti odgovarajuće predstavljene u finansijskom planu?	5
Da li je obezbijeđena vidljivost, promocija, korištenje i širenje rezultata ovog Programa?	5
Visina sopstvenih sredstava od strane aplikanta potrebna za provedbu projektnih aktivnosti?	5

Za svaki kriterij komisija daje ocjenu između 1 i 5 sljedećim kategorijama ocjena.

- 1 – veoma slabo
- 2 – slabo
- 3 – adekvatno
- 4 – dobro
- 5 – vrlo dobro

Komisija će procjenjivati vrijednost kriterija te minimalan broj bodova u ovisnosti o broju predloženih projektnih aktivnosti. Svi članovi komisije dodjeljuju ocjene, a ukupan broj bodova se dobije kada se zbir ocjena dobivenih od svih članova komisije podjeli sa brojem članova komisije.

Bodovanje se vrši po osnovu tablice za ocjenjivanje prijedloga projektnih aktivnosti i ista je sastavni dio ovog Programa.

6. KORISNICI SREDSTAVA

Korisnici sredstava su udruženja/neprofitne organizacije registrovane na području Bosansko-podrinjskog kantona Goražde koje realizacijom programa i aktivnosti doprinose očuvanju sjećanja na poginule pripadnike policije Ministarstva iz perioda odbrambeno-oslobodilačkog rata 1992-1995. godina i poboljšanju statusa svojih članova.

7. POTREBAN BROJ RADNIKA ZA PROVOĐENJE PROGRAMA I MONITORING

Provođenje Programa i monitoring istog vršit će osobe zaposlene u Kabinetu ministra i Sektoru za pravne i ekonomske poslove Ministarstva.

Korisnik Programa je dužan, nakon utroška odobrenih sredstava, dostaviti Ministarstvu izvještaj o provedenim aktivnostima koja su odobrena za finansiranje iz Programa sa pratećom dokumentacijom iz koje je vidljiva namjena utroška sredstava.

8. PROCJENA REZULTATA

Realizacijom programskih aktivnosti iz tačke 2. ovog Programa održat će se kontinuitet odavanja počasti poginulim pripadnicima policije iz perioda odbrambeno-oslobodilačkog rata 1992-1995. godina kao i održavanje i poboljšanje međusobne saradnje pripadnika Ministarstva sa članovima udruženja/neprofitnih organizacija koje doprinose afirmaciji aktivnosti iz oblasti unutrašnjih poslova.

9. PROCJENA NEPREDVIĐENIH RASHODA I RIZIKA

U prijedlogu projekta ili zahtjeva za sredstvima aplikanti su dužni procijeniti rizike koji mogu uticati na ostvarivanje planiranih rezultata projekta ili zahtjeva kao i dati prijedlog mjera koje će poduzeti u slučaju ostvarivanja isih.

Broj: 07-01-11- 3013 /25
Goražde, 20.05. 2025. godine

